

史略

西漢書

卷一起至卷六止
第一冊

史畱

樂山唐淮源署

光緒庚子仲夏
萬本書局校印

光緒庚子成

都培元堂集

增批史略

史畧書後

右史畧八十七卷

晚南朱筠如先生

於同治間節錄歷代史傳要語

彙為一集以嘉惠後學蓋史鈔

中之最善本也此書出板海內風

行初學得之參攷史事極為簡
便由是而進求諸史則有先導
之功若此深明厯代史學之淵
源制作之本末則全史具在焉

壬寅中秋 武進楊國琪為卿識於成都

敘

今學者習經之外競言觀史矣史書
充棟汗牛盡購旣難而全讀尤不易
昔人云一部十七史從何處說起望
洋興嘆自古已然顧一代之史事不
勝搜而紀事者可提其要言不勝採
而纂言者必鉤其元刪繁就簡道有

約焉雖然事不博則說不約余自少
讀史初觀刪本每苦事蹟未詳而原
委難悉爰取歷代史書自漢迄明先
帝紀後列傳細覽詳觀取精掇粹間
有史所失載而載他書者亦時旁搜
以資參考君不論明庸而取政有以
觀得失臣不論忠佞而取事有以示

勸懲分不論貴賤而取道有以立綱
常跡不論顯晦而取行有以維風化
人不論士女而取言有以垂箴規其
間代或數百人或百餘人或數十人
或十數事或五六事或一二事別類
分門信手摘鈔積成卷帙昔年北道
公車中州宦轍所在攜帶以便檢閱

而備遺忘咸豐壬子冬自豫歸田適
粵逆跳梁東下攻陷金陵蔓延池太
等處青蕪涇鄰邑也烽烟逼近風鶴
驚人比戶輟弦誦而余亦以糾團籌
饟鮮暇晷督課後生庚申春郡邑繼
陷鄉間罹劫者十之七我家書籍悉
成劫灰此編亦同付一炬孫偉生以

王氏巾箱世綿舊德矣茲焉君留劍
屐余使轡軒知王劭之多才撫規蒼
籀喜蘇瓌之有子侍立丹鉛擬將秘
笈琅函壽誌梨板殊愧心茅肘柳弁
以蕪言循誦一周感銘十跪覆車明
鏡正千年善惡之途兒女英雄闡萬
古幽潛之德補班昭之八表宏文上

燦乎日星紹左氏爲一家傑構永傳
夫宇宙

同治六年夏五月中浣

年愚姪孫家鼎拜序并書



敘

繫夫金版瑤函籀史肇千秋之業青
繩赤字竹書紀八代之文世運聿啟
夫濛鴻著作備彰於藻虎馬遷則采
經摭傳鉅製萬言鹿洞則正分定名
豐篇累帙雄歆載筆着穢體而剏別
裁承祚修辭黜異端而依大義瓦質

與瓊剪錯出紛立諸家連床與列屋
充盈繁冗積卷遂使汗牛却力千倉
勝比連雲縱教剔蠹窮年一勺莫探
滄海又何怪蓬樞落寞心徒景夫鴻
蕭蘭鞢嬉遊目未窺乎豹管也至
牟伯筠如先生皖水名才涇溪俊士
家學溯紫陽而上筆秉風霜宏詞擷

青史之精義昭車鑑節廉忠孝編甲
乙而眉清淑慝貞淫定褒譏於口實
沈休文輯修三載無此精能袁山松
審慎五煩遜茲賅約頻年繕寫揮毫
徧巴蜀之賤行篋栖遲擊節佐新豐
之酒無何烽燧時驚沙蟲夜語列盧
循之萬騎市易邱墟排頡利之千軍

兵多草木塵飛玉海瓠編慘厯夫紅
羊影滅金枝芸簡共懷夫赤蚪手篇
頓失心盡彌深遂乃避寇楚江僑居
鄂國板輿就安仁之養歲月方長縹
緗憶次道之書雨風觸振殘編再輯
李鄴侯架上排籤陳迹重新葛稚川
室中儲古此則思廉弓冶家有藏書